

একটি সস্তা প্রেমের কবিতা : মোমের মত সুখ

(উৎসর্গ- খালিল জিব্রান কে)

"Your pain is the breaking the shell of your own understanding. Much of your pain is self-chosen."

-Khalil Gibran

মোমের মত, একেবারে ঠিক জ্বলন্ত
মোমের মত ;
সুখ গুলো আমার একে একে
গলে যায়, ঝরে যায়।

অন্যকে আলো দিয়ে নয়,
কেবল আমাকে প্রখরিত করে।
মোমের মত সুখ গুলো
একে একে হারিয়ে যায়।

আমি চাইনি- তুমি
সারা জীবনের জন্য
আমার হও।
নশ্বর পৃথিবীতে
কেউ কারো নয়,
সকলের মত এ আমি ও
জানতাম।
তবু ও চেয়েছিলাম-
একটিবারের জন্য হলে ও তুমি বলো,
"আমি কেবলই তোমার"।

তুমি তা বলোনি।

একবার এসে দেখে যাও,
মোমের মত সুখ গুলো

কেমনে যাচ্ছে পুড়ে।

গলে যাওয়া মোমের এ স্তূপ
আমি জমিয়ে রাখব।
হয়ত গলিত এ মোমই একদিন
আলোকিত করবে
সকলকে, সবাইকে।

—জাহেদ আহমদ

anondomela@yahoo.com

(চৌদ্দশম 'মুক্তধারা বইমেলা' উপলক্ষে রচিত ও পাঠিত।)

এন্টোরিয়া, নিউইয়র্ক

২রা এপ্রিল, ২০০৫